

8. ZABALKUNTZA

8.1. Elkarbizitza Planaren zabalkuntza

Elkarbizitza Planeko helburuak modu arrakastatsuan lortzeko komunitateko kide guztiek ezagutu behar dituzte. Horregatik:

- a) Ikastetxearen webgunean Elkarbizitzaren Plana eta haren laburpena aurki daitezke. Bertan esteka bat dago, non Elkarbizitza Plana eta Behatokiaren funtzionamendua hobetzeko iritzi, iradokizun et proposamenak eman daitezkeen.
- b) Ikastetxeak Hezkuntza Proiektuaren eta Elkarbizitza Planaren alderdirik nagusienak jasotzen dituen dokumentu-laburpen erraz edo koaderno bat dauka. Dokumentu hori eskola-komunitateko kide guztien eskura dago, eta sistematikoki ematen zaie, harrera-unean, hezkuntza-komunitatean sartzen diren pertsona guztiei (ikasleak, familiak, irakasleak, administrazio eta zerbitzuetako langileak, etab.).

Aipatutako koaderno horretan elkarbizitzari buruzko oinarritzko araudia, jarduera-protokoloak, prebentziozko jarduerak etab. adierazten dira. Eta edukiari eta erabilgarritasunari buruzko iritzia jasotzeko galdetegi bat eransten zaio, elkarbizitza hobetzeko eta kidetasun-sentipena areagotzeko proposamenak eskatzeko. Era berean, Elkarbizitzaren Behatokirako proposamenak egiteko gonbita luzatzen da.

- c) Ikasturte-hasierako bilerak. Ikasturtearen hasieran familiekin, ikasleekin, klaustroarekin, guraso elkartearekin eta abarrekin izaten diren bileretan, hainbat gairen artean, Ikastetxeko Elkarbizitza Planaren funtsezko zenbait alderdi eta haien urteko zehaztapenak aztertzen dira
- d) Tutoretza Planaren jarduera-programaren barnean, tutoretza-saio batean, Ikastetxeko Elkarbizitzarako Planaren helburuak eta jarduera-ildoak aztertzen dira, eta baita urteko elkarbizitza-helburuak eta -jarduerak, talde bakoitzean zertan lan egingo den berariaz zehaztuz.
- e) Urtero, kultura asteko jardueren artean Elkarbizitza Planeko helbururen bat garatzera bideratutako jarduera bat, gutxienez, egingo da.

8.2. Helburuen eta urtean burutu beharreko jardueren zabalkuntza

Ikasturte bakoitzeko helburuak ikastetxeko sarrerako atondoan jartzen dira ikusgai, bertara sartzen den edonork ikus ditzan.

Urtero, ikasturte amaieran ematen den galdera-sortan, ikastetxeko elkarbizitzari eta elkarbizitza hori hobetzeko egindako jardueri buruzko galderak egiten dira.

Webgunean jartzen da Ikastetxeko Urteko Planaren barruan.

8.3. Eskola-jazarpenaren aurrean jarraitu beharreko protokoloaren zabalkundea

Elkarbizitza Planean hezkuntza-komunitateari *eskola-jazarpenaren protokoloaren* berri emateko prozedura et horrelako kasuetarako jarduera-jarraibideak ezarriko dira. Gure ikastetxean, ikasturte hasierako bileretan, OOGren lehen bileran, eta klaustroaren lehen bileretako batean aurkeztuko dira protokoloa eta, eskola-jazarpenaren zantzua duen portaeraren baten jakitun izanez gero, jarraitu beharreko prozedurak.

8.4. Hezkidetzeta eta Genero-indarkeriaren Prebentziorako Planaren zabalkundea

...